

張隱菴集註傷寒論

卷二



傷寒論卷第二

望雲草廬校重刊

錢塘張志聰隱菴註釋

同學高世栻士宗纂集

辨太陽病脈證篇第二

太陽病發汗汗出不解其人仍發熱心下悸頭眩身瞤動振振欲擗地者真武湯主之

愚按自此以下凡八節皆言汗後變證以示不可輕汗之意此言發汗奪其心液而致腎氣虛微也太陽發汗仍發熱者太陽之病不解也心下悸者奪其心液而心氣內虛也頭眩者腎精不升太陽陽氣虛於上也身瞤動振振欲擗地者生陽之氣不充於身筋無所養故有經風不甯之象也夫發汗

則動經身爲振振搖者乃中胃虛微以致肝氣上逆故但以
苓桂朮甘調和中土此身瞤動振振欲擗地者乃心腎兩虛
生陽不能充達於四體故以真武湯主之真武者北方元武
七宿鎮水之神也用熟附壯火之原溫下焦之寒水白朮補
中焦之土氣生薑達上焦之陽氣茯苓歸伏心氣芍藥通調
經脈三焦和而元真通暢心氣甯而經脈調和矣

咽喉乾燥者不可發汗

高子曰此足上文之意故無下文夫心脈從心系入肺上挾
咽喉乾而燥心血虛也腎脈入肺中循喉嚨喉乾而燥腎精
虛也若咽喉乾燥者心腎之精血皆虛故不可發汗發汗則

心下悸而有上文之變證矣上文言汗後之變證此乃未發之先機本論錯綜之妙讀者以意會之

淋家不可發汗發汗必便血

太陽之表汗膀胱之津液也淋家者病五淋之人膀胱之津液已虛故不可發汗發汗必動胞中之血而下便夫膀胱者胞之室也

瘡家雖身疼痛不可發汗汗出則瘡

諸痛癢瘡皆屬心火身疼痛者太陽之爲病也太陽之氣上合心主之神而外浮於肌表瘡家神氣已虛雖身疼痛若再奪其汗則筋脈不能榮養而爲瘡○金氏曰血虛則瘡是以

產後婦人及跌撲刀斧傷者多病瘧瘡家則失其膿血多矣
故汗出則燥強而爲瘧

衄家不可發汗汗出必額上陷脉緊急目直視不能睜不得眠
此言三陽之經血虛者不可發汗夫三陽之氣合并於上而
三陽之脉皆起於鼻額間衄則三陽之經血皆虛若更發其
汗則見三陽之劇證矣夫上部天兩額之動脉手足少陽脉
也少陽血虛故額上陷脉緊急也太陽之脉上循目眥爲目
上綱太陽之經血虛則目直視而不能睜動矣陽明之脉起
於鼻交頰中下膈屬胃陽明之經氣逆不得從其故道故不
得眠也此言三陽之經血虛者不可更發汗而再奪其血也



亡血家不可發汗發汗則寒慄而振

此言吐血便血及婦人崩淋亡血者不可發汗若發汗更奪其血液則必寒慄而振本論曰渴則無血厥而且寒

汗家重發汗必恍惚心亂小便已陰疼宜禹餘糧丸

夫汗家則虛其水穀之精矣中焦之津液入心化赤而爲血

下挾膀胱而運行於膚表水穀之津液虛而重發其汗則上

動心主之血液而恍惚心亂矣下動膀胱之所藏則小便已

而陰疼矣禹餘糧生於山澤中秉水土之專精得土氣則穀

精自生得水氣則陰疼自止此方失傳或有配合

病人有寒復發汗胃中冷必吐蚘

蚘

戶恢切音蛔



夫陰陽氣血皆生於胃府水穀病人有寒胃氣虛矣若復發汗更虛其中焦之氣則胃中冷必吐衄夫衄乃陰類不得陽熱之氣則頃刻頃生而外出矣血氣津液皆胃府之所生故本論凡論汗吐下後必結胃氣一條治傷寒者當以胃氣爲本也

本發汗而復下之此爲逆也若先發汗治不爲逆本先下之而反汗之爲逆若先下之治不爲逆

愚按自此以下凡六節論太陽之氣從內而出復從表而入由升而降復由降而升病氣因正氣之出入即可從外內以分消故有先汗復下先下復汗之法也病氣在外宜從汗解

而復下之此爲逆也若先發汗而外邪不盡復隨太陽之氣
內入即可從乎下解故治不爲逆若病氣在裏宜先從下解
而反汗之爲逆如下之而裏邪不盡復隨太陽之氣外出又
可從乎汗解故治不爲逆此言病隨正氣之環轉者如此
傷寒醫下之續得下利清穀不止身疼痛者急當救裏後身疼
痛清便自調者急當救表救裏宜四逆湯救表宜桂枝湯

天氣下降地氣上升此言地氣下陷而正氣虛脫者當急救
其表裏焉傷寒醫下之則正氣隨之內陷矣續得下利清穀
不止者土氣虛也身疼痛者邪未解也土虛則下焦之生陽
不升而外邪未解故先宜四逆湯急救其裏啟下焦之生陽

助中焦之土氣後清便自調而身仍疼痛者裏和而表未和
復宜桂枝湯急救其表蓋桂枝湯主宣發中焦之精血充膚
熱肉濡養筋骨血氣充溢而疼痛始解從下焦而達於中焦
四逆湯也從中焦而達於肌表桂枝湯也由是則地氣升而
天氣降矣

病發熱頭疼脈反沉若不差身體疼痛當救其裏宜四逆湯

欒差

去聲
餘同

病發熱頭疼邪在太陽之高表其脈當浮反沉者陽氣內入
也平脈篇曰病人苦發熱身體疼脈沉而遲者知其差也今
不差身體疼痛而脈沉則知正氣之虛陷矣故當救其裏宜

四逆湯○曾氏曰上節論地氣下陷則天氣亦不能從地而
升此言天氣下陷則地氣亦不能上騰於天故並宜四逆湯
四逆湯助中下二焦之生氣者也○又曰合上兩節論太陽
之氣從天而降下節論從地而升末二節論從中而出
太陽病先下之而不愈因復發汗以此表裏俱虛其人因致冒
冒家汗出自愈所以然者汗出表和故也得裏未和然後復下
之

此言太陽之氣入於地中而復上騰於天表也先下之不愈
而復發汗者先降而後升也表裏俱虛者內外之邪皆去也
其人因致冒者在地之氣上騰於天所謂戴陽於上也金匱



要畧云胃家欲解必大汗出故胃家汗出自愈所以然者陽氣分布於膚表汗出則表和故也得表未和然後復下之者謂正氣宜從上以出表得裏有邪然後復從下解如無裏證不必下也此仲景微言以證先下之誤○馬氏曰表裏俱虛正氣虛也因先下復汗之故

太陽病未解脈陰陽俱停必先振慄汗出乃解但陽脈微者先汗出而解但陰脈微者下之而解若欲下之宜調胃承氣湯

上節論太陽之氣降而復升此論太陽之氣出而後入停均也脈陰陽俱停者表裏之氣和平也振慄汗出乃解者此言太陽之氣由內而外內外調和而病解也但陽脈微而汗出

解者所謂陽脈不足陰往從之汗乃陰液隨太陽之氣俱出而外解也陰脈微而下之解者所謂陰脈不足陽往乘之太陽之氣出已而入亦可隨太陽之入而下解也若欲下之宜調胃承氣湯此亦仲祖微言以示不必果下之意

太陽病發熱汗出者此爲營弱衛強故使汗出欲救邪風者宜桂枝湯

上文論病氣隨太陽之正氣而出入此言太陽之氣又隨營衛之氣而出入焉發熱汗出者太陽中風病也營弱衛強者營氣弱於內而不外衛氣強於外而不內所謂營自行於脈中衛自行於脈外此邪風薄於太陽而病干營衛之不和故

傷寒集言 卷二
使汗出營衛不相將則太陽之氣亦逆矣欲和營衛而救太
陽之邪風者宜桂枝湯夫桂枝湯所以和營衛者也今日救
邪風所以救營衛救營衛所以救太陽耳

傷寒五六日中風往來寒熱胸脇苦滿默默不欲飲食心煩喜
嘔或胸中煩而不嘔或渴或腹中痛或脇下痞鞭或心下悸小
便不利或不渴身有微熱或欬者小柴胡湯主之
鞭同硬 餘攷此

小柴胡湯方

柴胡 半斤 黃芩 半斤 人參 二兩 甘草 炙

生薑 各三兩 半夏 半升 大棗 十二枚

右七味以水一斗二升煮取六升去滓再煎取三升溫服



一升日三服若胸中煩而不嘔者去半夏人參加栝實
一枚若渴者去半夏加人參合前成四兩半加栝實根四
兩若腹中痛者去黃芩加芍藥三兩若脇下痞鞭去大棗
加牡蠣四兩若心下悸小便不利者去黃芩加茯苓四兩
若不渴外有微熱者去人參加桂枝三兩溫覆取微汗愈
若欬者去人參大棗生姜加五味子半斤乾姜二兩

愚按自此以下凡十五節皆論柴胡湯之證治言太陽之氣
運行於皮表從胸膈而出入若逆於三陰三陽之內不能從
胸膈以出入須藉少陽之樞轉而外出蓋胸乃太陽出入之
部脇爲少陽所主之樞小柴胡湯從樞轉而達太陽之氣於

外者也傷寒五六日中風猶言無分傷寒中風而至五六日也六氣已周當來復於太陽若病氣逆於五運之中不能從樞外達是以往來寒熱而開闔不利胸脇苦滿而出入不和默默者太陽之氣不能合心主之神而外出也不欲飲食者陽明胃氣之不和也夫默默必神機內鬱而心煩不欲飲食必胃氣不和而喜嘔嘔則逆氣少疎故喜也或胸中但煩而不嘔涉於少陰心主之氣分矣或渴者在於陽明也或腹中痛者涉於太陰之脾氣矣或脇下痞鞭者涉於厥陰之肝氣矣或心下悸而小便不利者涉於少陰之腎氣矣或不渴身有微熱者無陽明胃熱之證而太陽合心主之神氣以外浮

爲欲愈也或歎者涉於太陰之肺氣矣此太陽之氣逆於太
陰所主之地中而見五藏之證但見一證便是不必悉具宜
小柴胡湯從中土而達太陽之氣於外柴胡根生白藟香美
可食感一陽之氣而生半夏氣味辛平形圓色白感一陰之
氣而生柴胡半夏啟一陰一陽之氣而上合於中焦人參甘
草生姜大棗滋補中焦之氣而橫達於四旁黃芩氣味苦寒
外肌皮而內空腐能解軀形之邪熱正氣內出邪熱外清此
運樞郤病之神方也若胸中煩而不嘔煩乃火熱上乘故去
半夏之辛燥不嘔則中胃不虛無庸人參之助胃加括藁實
導胸中之煩熱以下降若渴者乃陽明燥熱之氣故去助火

土之半夏易啟陰液之蔓根倍人參以滋陽明之津液若腹
中痛者太陰脾土虛寒故去黃芩之寒涼加芍藥以助心火
之神而益太陰之氣若脇下痞鞭乃厥陰肝木之不舒吐蠱
鹹能軟堅能啟厥陰之生陽以解脇下之痞鞭大棗補脾土
而緩中故去之若心下悸小便不利者腎藏寒水之氣欲逆
於上水氣上奔故加茯苓伏心氣以助脾土而制伐其水邪
苓乃苦寒之劑故去之若不渴外有微熱者太陽合心主之
神氣以外浮故加桂枝三兩助心主之血液而覆取微似汗
則愈無陽明燥渴之證故不必滋胃之人參若欬者太陰肺
氣之不利五味子秉陽春宣達之氣味從肝腎而上達於肺